

O GOLDO CHHAVO

Sine akana ekh raklo. Gelo ando vesh te kidel peske temlyakos. Phires karig phires, khidindyas na khidindyas – avela peske. Rakilo, temnisaylo. Ov uklela ekhe kashteste – phela peske: „Ka uklyav ko bash bare borikathe“.

Mashkar ratyate avena diy zhene. Borinarya. Nakhna bash ote te kas-tronen o kasht. Thovde peske yag othe, tatyona. Ov upre soola.

O devles dukhala dant. Kay inklisto upre , slabisayli leski dukh. Mashkar ko rat ushtino te mutrel pes. Mutrela tele. Okolen mutrela le.

– O, devlikani rosa, devla!

Akala phagle pes, gele peske. O devel phela:

– Sigo te len o manushes, kate sapriskeres mi dukh!

Lela okova, o devleske manusha, uhlena tele, arakhena les ote, grab-nina les. Uhave les upre pash del. O del phela leske:

– Akana so mangsa te dav tut? Tu kerdyan man..., mo dant dukhalas man. Tu muklyan, thardyan yag. Mi thar nakhli.

Dinyas les frolya – nakamlyas. Dinyas les po akordeoni, kranleta-nishto na bendinel. Dikhlya ekh sharenno duruli. Phela:

– E! Kekaya duruli mangava!

Lel, dyas les kakaya duruli.

– Aver so mangsa?

– Mangaa but te shunav! Hari te pishtien, e kute „psht“ – te shunav!

– Gotoo, gotoo, mo chho! Gotoo!

Hay uhavel les othe. E, tsidindyas, zhala peske. Gelo karig leste, dikhela les ekh rashay:

– Karig gelyan, ba?

– A be, karig gelyam! Rodaa mange buki!

– Li mea rodaa manushes, kozari, te charel me buznen.

– E?!

Ayde, khere ka jas!

Ushtine, gele khere. Pazarinela:

– Kibor les mange?

– Mangaa samo – phela – sha ma oblechesh! Ka ures man! – phela-Nakamava! Samo ekh drehws ka les mange. Hay so kerava pakoses.